



Aningaasaqarnermut Nunamullu Namminermut  
Naalakkersuisoq

Ulloq: 05-11-2021  
J.nr.: 01.31.06/21-00954

## **Aningaasaqarnermut Akileraartarnermullu tallimangornermi ulloq 29. oktober 2021-imi aalajangiineranik Naalakkersuisunut ilisimatitsineq**

**Nalunaarasuartaateqarnermut suliaasaqarfimmi taperseeqatigiissitsisarnerup qulakkeernissaa. – Suliaq nr. 01.31.06/21 – 00954**

”Naalakkersuisut inassutigaat,

- ilanngussat ilanngunneqartut naapertorlugit, coronavirus (COVID-19) tunngavigalugu, 2020-mut ilassutitut aningaasaliissutitut siunnersuummi kontumut pingaarnermut 64.40.08 Suliffeqarnermut ikiorsiissutissat, oqaasertaliussaq nr. 2 ilanngunneqassasoq”
- ilanngussat ilanngunneqartut naapertorlugit, coronavirus (COVID-19) tunngavigalugu, 2020-mut ilassutitut aningaasaliissutitut siunnersuummi kontumut pingaarnermut 64.10.35 Inuussutissarsiortunut ikiorsiissutit, oqaasertaliussaq nr. 2 ilanngunneqassasoq”

### **Aningaasaqarnermut Ataatsimiititaliap oqaaseqaatai**

Ataatsimiititaliaq allanik oqaaseqaatissaqanngilaq.

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat, taamaalillunilu aamma oqaasertaliussat uku, Aningaasaqarnermut Ataatsimiititaliamit **akuerineqarput**:

**“Ineqarnermut, Attaveqaasersuutitut, Aatsitassanut, Inatsisit Atuutsinneqarnerannut Naligiissitaanermullu Naalakkersuisoq - Suliassaqarfik 70-72**

#### **Kontumut pingaarnermut 72.20.08 Nalunaarasuartaatitigut attaveqaatit**

Oqaasertaliussaq manna 2021-mut ilassutitut aningaasaliissutitut inatsisissatut siunnersuummi kontumut pingaarnermut matumunnga ilanngunneqarnissaa qinnutigineqarpoq:

”Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. 31, 23. november 2017-imeersumi § 5 malillugu ingerlatsinissamut akuersissummik peqartoq nunami sumiiffinnit suliassaqarfimmut appasinnerusumik attaveqaasersuutitut aningaasartuuteqarfiusartunit isertitanik sumiiffinnut attaveqaasersuutitut qaffasinnerusumik aningaasartuuteqarfiusunut nuussinermikkut, IP-transit-imut aamma access-inut

akigititanik nalimmassaasarnissamut pisussaaffilerneqarpoq. Akigititanik nalimmassaaneq annertuukkaanik ingerlataqartumi pissaaq.”

### **Kontumut pingaarnermut 72.20.08 Nalunaarasuartaatitigut attaveqaatit, nassuiaatit**

Oqaasertaliussamut nassuiaatit makkua 2021-mut ilassutitut aningaasaliissutitut inatsisissatut siunnersuummi kontumut pingaarnermut matumunnga ilanngunneqarnissai qinnutigineqarpoq:

”Oqaasertaliussami siunertaavoq attaveqaasersuutit nammaqatigiilluni ineriartortitsinerup aammalu internetsikkut qarasaasiatigullu paasissutissanik kiffartuussinermut akigititat atuutereersut ingerlaannarnissaasa qulakkeernissaa, taamaalilluni ingerlatsinissamut akuersissummik peqartoq (Tele Greenland A/S) ingerlatseqatigiiffimmi ingerlatsinikkut ingerlaavartumik sunniteqarnerulersitsiniarneranut ilanngullugu nunarput tamakkerlugu nunami namminermit nalunaarasuartaatitut attaveqaasersuutit ineriartortitsinermut aserfallatsaaliuinerimullu aningaasaliinerit pisariaqartut pilersaarusiorsinnaassallugit ingerlassinnaassallugillu. Ingerlatsinissamut akuersissummik peqartoq sapinngisamik annertunerpaamik akigititanik atugassarititaasunillu assigiinnik neqerooruteqartassaaq, nalunaarasuartaatitut attaveqaasersuutit suut pilersuinermit atornerqarnersut apeqqutaatinnagu, taamaattoq sumiiffinnut satellitsikkut pilersorneqartunut ilaatitsinnginnerit pisariaqartut atuutsillugit. Akigititanik nalimmassaaneq annertuukkaanik ingerlataqartumi pissaaq, taamaalilluni atuisartunut internetsimik qarasaasiatigullu paasissutissanik kiffartuussinernik neqerooruteqartartut assigiinngitsut akornanni killilersugaanngitsumik naligiimmillu unammilleqatigiinneq ingerlaannassalluni.

2022-mi Inatsisartut ukiakkut ataatsimiinneranni Nalunaarasuartaatitigut atassuteqarneq nalunaarasuartaatitigullu kiffartuussinernit pillugit Inatsisartut inatsisaata iluarsaanneqarneranut siunnersuut, nunami sumiiffinnit suliassaqarfimmut attaveqaasersuutitut appasissumik aningaasartuuteqarfiusartunit sumiiffinnut nalunaarasuartaateqarnermut suliassaqarfimmi ingerlatsinissamut akuersissummik peqarfiusuni qaffasinnerusunik attaveqaasersuutitut aningaasartuuteqarfiusartunut isertitanik nuussinissamut inatsimmi tunngavissamik imaqtartussaq, saqqummiunniarpaat.

Oqaasertaliussaq nutaajuvoq.””

Ataatsimiititaliaq sinnerlugu



Jens Napaattoq

Aningaasaqarnermut Akileraartarnermullu Ataatsimiititaliap siulittaasua